



IROMAG

Odlazni studenti



U OVOM BROJU

STUDENTSKI PROSTOR

Emina Handžić

SAVJETI ZA RAZMJENU: GDJE DA IDEM?

ISKUSTVA SA RAZMJENE

Adna Marić

ZANIMLJIVOSTI

Kako biti produktivniji?

Intervju sa Eminom Handžić

by IROUNMO

Povodom Dana tehnologije, 12.05., razgovarali smo sa studenticom Fakulteta infomacijskih tehnologija Univerziteta "Džemal Bijedić" u Mostaru. Studentica Emina Handžić trenutno je druga godina, ukratko se osvrnula na njene studentske dane na Fakultetu informacijskih tehnologija te na kraju obrazložila zašto smatra da je ovaj fakultet dobar odabir za sve one koji imaju afinitete i interesovanje za tehnološke nauke. Cijeli intervju možete pročitati i na našem blogu.





Da li misliš da su tehnološke nauke zanimanje 21. vijeka?

Tehnološke nauke su, po mom mišljenju, definitivno zanimanje 21. vijeka. Popularnost rapidno raste i čovječanstvo svakim momentom uviđa potrebu za stručnim kadrom u ovom području. Razlog ovoga je upravo taj koji sam prethodno navela, primjenjive su u svim ostalim naukama. Korištene za raznorazne aktivnosti od slanja satelita i raketa u svemir, operacija i dijagnoza bolesti sve do pametnog navodnjavanja.

Šta posebno voliš kod svog poziva i šta očekuješ nakon završetka studija?

Ono zbog čega sam odabrala ovaj poziv je to što mislim da ne postoje granice i da se rad ne pretvara u rutinu jer je povezan sa svim ostalim naukama i stalno se upoznajemo sa novim stvarima. Uvijek se pojavljuju novi izazovi i nešto što se može napraviti drugačije. Osim toga nije nemoguće osmisiliti nešto novo i na kraju imati završen proizvod koji nekome može pomoći, sve bazirano na nekoj ličnoj ideji i timskom radu. Nisam još odlučila tačno kojim putem će ići nakon studija, ali očekujem da će čak prije završetka biti sposobna da samostalno radim projekte. Plan mi je najprije postati koristan član nekog tima gdje će učiti nove tehnike i načine rada i od te tačke napredovati koliko god budem u mogućnosti.

Šta bi poručila studentima koji upisuju Fakultet informacijskih tehnologija?

Studentima koji upisuju Fakultet informacijskih tehnologija bih poručila da su svi izazovi koje studij stavi pred njih nove lekcije koje će ih naučiti kako da razmišljaju i ponašaju se u nekom profesionalnom okruženju. Da imaju raznih opcija kako za samostalno učenje, tako i uz predavače koji će sigurno naći adekvatne odgovore na njihova pitanja. Da je svaki problem rješiv i da ne treba odustajati ni kad je najteže jer se na kraju isplati, a svaki pad je nova lekcija. I na kraju, želim da im poželim mnogo sreće i nadam se da će uživati u svom studentskom životu koliko i ja.

Gdje da idem?

By IROUNMO



Ako ste se upitali gdje to možete da idete na razmjenu kao studenti Univerziteta "Džemal Bijedić" u Mostaru, u nastvaku vam donosimo spisak prvih 13 univerziteta sa kojima imamo potpisani ugovor. Možda pronađete svoju destinaciju!

1. Karl Franzens Univerzitet u Gracu
2. Univerzitet prirodnih nauka u Pragu
3. JAMK Univerzitet primjenjenih nauka
4. Univerzitet Claude Bernard u Lionu
5. Univerzitet In Holland
6. Univerzitet u Saarland
7. Univerzitet TH Koln
8. Univerzitet Primjenjenih nauka - BBW Hochschule
9. Univerzitet u Bolonji
10. Marche Politehinčki Univerzitet u Ankoni
11. Sapienza Univerzitet u Rimu
12. Vytautas Magnus Univerzitet
13. Univerzitet jugoistočne Norveške

Ukoliko vam je dugo čekati do narednog broja našeg IroMag-a, posjetite našu web stranicu iro.unmo.ba i potražite i ostale univerzitete, te istražite detaljno oblasti na koje možete aplicirati. Na našoj web stranici možete pronaći dio Pitanja i odgovori koji će vam pomoći da se riješite glavnih nedoumica tokom procesa apliciranja. Osim toga naša [instagram](#), [facebook](#), i [linkdIn](#) stranica bogate su korisnim informacijama i novostima gdje zasigurno možete pronaći kvalitetnu priliku za širenje vaših znanja i vidika.



Kancelarija za međunarodnu saradnju



[iro.unmo](https://www.instagram.com/iro.unmo/)



International relations office UNMO

Vaša iskustva sa razmjene

By IROUNMO

Razmjena studenata je nešto što je znatno obilježilo moje studiranje, ali i najljepše godine života. Pošto sam bila oduševljena, kako Turskom, tako i samim programima razmjene studenata i svim mogućnostima koje nude, odlučila sam svoje iskustvo razmjene ponoviti. Naime, željela bih vam ispričati svoju priču koja će možda nekoga inspirisati i ohrabriti da uradi isto.

Prije svega da se predstavim - ja sam Adna Marić, magistrica sam turskog jezika i književnosti i imam 25 godine.

Nakon srednje škole sam čvrsto odlučila studirati, tada meni potpuno nepoznat, turski jezik. Prva godina na Odsjeku za turski jezik i književnost je prošla odlično, savladala sam osnove i naučila nešto o turskoj kulturi. Zbog velikog entuzijazma odlučila sam se prijaviti za Mevlana razmjenu studenata. Odabrala sam Akdeniz univerzitet u Antaliji. To je bilo moje prvo iskustvo odlaska u stranu državu sama, života sa cimerkom u studentskom domu, ali i studiranja na stranom univerzitetu. U Antaliji sam boravila jedan semestar druge godine studija. Stekla sam mnogo prijatelja sa kojima sam i danas u kontaktu.



Treću godinu sam završila na "Džemal Bijedić" Univerzitetu. Drugi semestar četvrte godine sam ponovo provela u Turskoj. Ovaj put sam Erasmus+ razmjenom studenata otišla na Kırklareli univerzitet u Kırklareliju. Svoje znanje turskog jezika sam usavršila i upoznala nevjerovatne profesore Kırklareli univerziteta. Po povratku na matični univerzitet svi predmeti koje sam položila u Turskoj su bili priznati.



Kao već bivša studentica Univerziteta "Džemal Bijedić" u Mostaru, mogu svim sadašnjim i budućim studentima toplo preporučiti razmjene studenata. Mladost je jako bitno iskoristiti na lijepi i korisne stvari, a razmjena studenata je zasigurno jedna od njih zbog svih beneficija koje posjeduje. Živite, uživajte, UČITE i unaprijedite sebe upoznavajući novi i drugačiji svijet!

Samo naprijed!

Kako biti produktivniji?

By IROUNMO



Ponekad se svi borimo sa organizacijom vremena i planiranja obaveza. Ako mislite da vam 24 sata nije dovoljno, onda ne upravljate pravilno vremenom. Mnoga se istraživanja u području menadžmenta bave tematikom koja su fokusirana na vrijeme, planiranje i organizaciju. Upravljanje vremenom jedno je od najnovijih područja menadžmenta u kojem je fokus na pametnom planiranju i organizovanju aktivnosti. Biti zauzet nije isto što i biti učinkovit, pa nije važno koliko radite, važno je koliko kvalitetno radite i kako ste fokusirani na stvar koju radite. U upravljanju, jedan od najpopularnijih principa vođenja vremena na najbolji način je Pareto princip, poznat kao pravilo 80-20. Pareto princip znači da će 80% rezultata proizaći iz 20% vašeg truda.

Pravilo 80/20 jedan je od najkorisnijih koncepata upravljanja vremenom i životom. Ako želite biti produktivniji, postići bolje ocjene i imati više vremena za opuštanje i odmor, onda primijenite pravilo 80/20, ali ne u samo jednom području, pravilo 80/20 mora biti vaš životni stil u svim sferama života. Dakle, poznato je da je dobar plan polovina realizacije. S tim u vezi usredotočite se na kreiranje dobrog plana i atmosfere u kojoj se osjećate motivirano i sretno. Napravite listu svojih ciljeva, aktivnosti, želja, hobija i drugih važnih stvari u svom životu.

Nakon što to napišete na papir, sljedeći korak je razmišljanje i ocjenjivanje stavki po važnosti. A su najvažnije (gornjih 20%), B su srednje važne (60%), C su najmanje važne aktivnosti (donjih 20%). Ne zaboravite da vaše svakodnevne navike imaju vrlo važnu ulogu u vašem načinu života. Stoga odaberite muziku koja vas čini sretnom, provodite vrijeme s ljudima koji dobro utječu na vaše raspoloženje, provodite vrijeme u prirodi, čitajte knjige koje pomažu vašoj kreativnosti. Krenite prvo od najtežih i najvažnijih zadataka i dobra organizacija je zagarantovana.

